

# A šta ako je **očaj** u pitanju?

U islamu se čovjeku oprašta za učinjeno zabranjeno djelo u teškoj, neizbježnoj situaciji. Zbog toga, ako je neko primoran na kamatu, u slučaju rizika ekstremnih teškoća ili smrti, ona postaje trenutno **dozvoljena dok se tjeskoba ne prevaziđe**. Imajte na umu da tokom teškoća izazvanih od uzdržavanja od kamate, zarad Allaha, postižete nagradu. Osoba sa islamskim znanjem i poznavanjem lične situacije druge osobe, mora biti ta koja će odlučiti da li je ta osoba stvarno u nuždi. U suprotnom, ovaj izuzetak od pravila može da se zloupotrijebi, pa tako mnogi ljudi mogu pogrešno koristiti kamatu i zaslužiti kaznu koju je Allah obećao svakom onom ko čini veliki grijeh.

Postoji česta zablude među muslimanima kod kupovine prve kuće koristeći kamatu. Neki tvrde da je to dozvoljeno, jer je u pitanju "nužda". Činjenica da čovjek jednostavno može iznajmiti kuću umjesto kupujući je opovrgava tu tvrdnju. Da je ta tvrdnja istinita, značilo bi i to da je

konzumiranje jedne flaše alkoholnog pića dozvoljeno iako je voda dostupna! Ili konzumiranje svinjskog mesa kada postoji drugo meso koje je dozvoljeno! Možda lahko zavaramo druge da vjeruju u ovo, ali moramo da znamo da:

"...Allah zna sve šta javno i tajno činite."

Kur'an 5:99

Plaćanje kirije kako bi izdržavali sebe i svoju porodicu nije "protraćen novac". Ako Allah da, Allah Najmilosniji, će nagraditi ovo poput sadake: **"Kada neko troši na svoju porodicu tražeći za to nagradu od Allaha, računa mu se poput sadake."** (Hadis bilježe Buharija i Muslim)

## Uspjeh u ovom i sljedećem životu

U razmatranju ovog pitanja kamate, treba da se prisjetimo da istinski uspjeh leži uz Allahovu pomoć. Ako se pridržavamo onog što je dozvoljeno, a izbjegavamo ono što je grijeh, naš imetak će biti berićetan i koristan na ovom svijetu i na Onom svijetu. Kakvo dobro je dodatni novac zarađen preko kamate ako nema bereketa u njemu i proklet je - i izvor je jada i bijede?

Na Sudnjem danu, ljudi će ustati iz svojih grobova brzo, osim onih koji su se bavili kamatom. Oni će ustati i onda pasti kao epileptičari jer:

*"Oni koji se kamatom bave dići će se kao što će se dići onaj koga je dođirom šejtan izbezumio, zato što su govorili: 'Kamata je isto što i trgovina.' A Allah je dozvolio trgovinu, a zabranio kamatu..."*

Kur'an 2:275

Takva je kazna za one koji koriste kamatu i koji se iskreno ne pokaju za ovaj veliki grijeh.

Što se tiče onih koji teže uspjehu tako što će zaslužiti Allahovo zadovoljstvo, oni nalaze utjehu u sljedećem ajetu:

*"O vjernici! Bezdušni zeleniši ne budite, i Allaha se bojte, jer ćete tako postići ono što želite."*

Kur'an 3:130

Također nam je pokazano kako da budemo uspješni na Onom, budućem svijetu:

*"Kad se vjernici Allahu i Poslaniku Njegovu pozovu, da im On presudi, samo reknu: 'Slušamo i pokoravamo se!' - Oni će uspjeti (na oba svijeta)."*

Kur'an 24:51

## Zaključak

Niko ne može sumnjati u to da je kamata zabranjena i da je veliki grijeh, i nijedna neposlušnost Bogu ne vrijedi da bi zbog nje zaslužili Njegovu kaznu. Moramo imati na umu da je život na ovom svijetu kratak i prolazan, i da svrha našeg postojanja nije u požudi i pohlepi za imetkom i prolaznim ljepotama ovog svijeta, već je svrha u pokoravanju i obožavanju Allaha i ispravan život po Njegovim pravilima. Samo zato što je kamata među ljudima rasprostranjena i javna ne čini je dozvoljenom.

"...a onome koji se Allaha boji, On će izlaz naći i opskrbit će ga odakle se i ne nada (izlaz iz bilo kakve tegobe), onome koji se u Allaha uzda, On mu je dovoljan."

Kur'an 65:2-3

# OPASNOST KAMATE

**"** O vjernici, bezdušni zeleniši ne budite, i Allaha se bojte, jer ćete tako postići ono što želite. **"**

Kur'an 3:130



Nauči  
osnovno

islamicpamphlets.com

Više informacija i dodatne brošure u ovoj seriji

veb: islamhouse.com | islamicpamphlets.com

e-mail: bosnian@islamhouse.com



# Uvod

Nije li zapanjujuće da musliman nikada neće da jede svinjetinu jer je to haram; nikada neće da oženi svoju majku ili sestru jer je to, također, haram, ipak ista osoba nema problema da se bavi kamatom i zelenaštvom! Znete li da je poslovanje kamatom veliki grijeh koji bi mogao da vas odvede u Džehennem?

Ako je poslovanje kamatom toliko kažnjivo, zašto veliki broj ljudi upada u ovaj grijeh i ovu stvar prihvata olahko?

## Značenje kamate/zelenaštva

Kamata na arapskom „Ribaa“ je arapska imenica izvedena iz glagola „raba“, što znači „povećati“, „uvećati“, i „prekoračiti“. Uključuje novčane pozajmice sa kamatom koje pružaju banke, kredite poput auto kredita, kredita za nekretninu ili dugovanja „minusa“ na kreditnim karticama.

## Dokaz da je kamata grijeh

Postoje mnogi dokazi koji pokazuju da je kamata grijeh i jedan od najvećih grijeha u islamu!

Za one sa istinskom vjerom u Allaha i Kur'an, ovaj sljedeći ajet koji zabranjuje kamatu je dovoljan:

*“...Allah je dozvolio trgovinu, a zabranio kamatu.”*

*Kur'an 2:275*

U Kur'anu, Uzvišeni Allah ne objavljuje rat nikome osim onima koji se bave kamatom:

*“O vjernici, bojte se Allaha i od ostatka kamate odustanite, ako ste pravi vjernici. Ako to ne učinite, eto vam onda, neka znate – rata od Allaha i Poslanika Njegova!”*

*Kur'an 2:278-279*

Da li biste željeli da vam Svemogućí Allah objavi rat nakon što je vrlo jasno objasnio da je bavljenje kamatom grijeh?

Poslanik (sallallahu alejhi ve sellem) upozorio je ljude da je bavljenje kamatom jedan od sedam velikih grijeha koji ih mogu odvesti u Džehennem. (Hadis bilježe Buharija i Muslim)

*“...ali ko god se vrati kamati i to opet učini, bit će stanovnik Džehennema, u njemu će vječno ostati.”*  
*Kur'an 2:275*

Kamata je grijeh u svim svojim aspektima, kao što je Poslanik (sallallahu alejhi ve sellem) rekao. (Hadis bilježi Muslim):

*“Allah je prokleo one koji uzimaju kamatu, one koji je daju, one koji svjedoče (prilikom sklapanja ugovora) i one koji zapisuju transakciju.”*

Nemojte biti jedni od onih koje je Allah prokleo!

## Zašto je kamata grijeh?

Prvi i najvažniji razlog zbog kojeg je kamata grijeh je to što je Uzvišeni Allah odredio tako. Ovo se zasniva na Božijoj bezgraničnoj mudrosti zbog koje On smatra neko djelo obaveznim ili zabranjenim, i On propisuje stvari u najboljem interesu čovjeka, na ovom svijetu a i na Onom svijetu, jer On je Najmudriji, Sveznajući. Islamski učenjaci su spomenuli sljedeće razloge zbog kojih je kamata grijeh:

✖ Čitave nacije tj. većina nacija, velike i male, imaju tolika spoljna dugovanja da su njihova kamatna dugovanja preobiman teret i opterećenje njihovim zemljama. Dugovanje ubija. Oko 11 miliona djece umre svake godine širom svijeta zbog razloga siromaštva i duga. Bivši predsjednik Obasanjo, komentarisao je dug s kojim se Nigerija suočava:

*“Sve što smo pozajmili do 1985. ili 1986. bilo je oko \$5 milijardi a platili smo oko \$16 milijardi, i ipak i dalje nam govore da dugujemo oko \$28 milijardi. Tih \$28 milijardi je došlo zbog nepravde kamatnih stopa stranih povjerilaca (zajmodavca). Ako me pitate šta je najgora stvar na svijetu, ja ću reći da je to kamata.”*

- Jubilarna 2000, vijesti, Avgust 2000

✖ Kamata se suprotstavlja duhu bratstva među ljudima i poštovanju, a zasnovana je na pohlepi, sebičnosti i tvrdičluku.

✖ Kamata je jedan od glavnih razloga za inflaciju.

✖ Kamata izaziva traume i depresiju zbog povećanja dugova.

✖ Kamata je siguran dobitak bez mogućnosti gubitka, stoga sav rizik snosi onaj koji zajmi, umjesto da se rizik i profit dijele na obje strane.

✖ Kamata proizvodi monopol u društvu gdje se bogati nagrađuju zbog svog bogatstva, dok su siromašni primorani da dodatno plaćaju!

Tokom globalne finansijske krize u 2008. i 2009. godini, novine Dnevni Vatikan, L'Osservatore Romano, objavio je da je Vatikan rekao da islamski finansijski sistem može da pomogne zapadnim bankama u krizi kao alternativa. Vatikan je savjetovao: *“Etički principi na kojima se zasnivaju islamske finansije mogu zbližiti banke svojim klijentima i doprinijeti*

*istinskom duhu koji treba da obilježi svaku finansijsku uslugu.”*

Dok tržište zasnovano na kamati propada, islamske finansijske institucije ne trpe iste posljedice, jer se rizik dijeli na obje strane. Oni koji daju kredite će biti oprezniji, jer oni, također, dijele rizik od gubitka novca ako dužnik ne može vratiti prvobitni iznos.

Sa obzirom na sve probleme koje kamata stvara, nije ni čudo što islam zabranjuje takav gnusni čin.

## Kako mogu da izbjegnem kamatu?

Život u kapitalističkom društvu otežava da se u potpunosti izbjegne kamata. Međutim, ovo ne bi trebalo da se koristi kao izgovor kako bi se slobodno upuštali u nju. Očigledan način da se čovjek kloni ovog zla je da ne uzima kredit koji podrazumijeva plaćanje kamate. Ostala rješenja uključuju:

- ✔ Otvaranje beskamatnih bankovnih računa.
- ✔ Nesklapanje ugovora koji predviđaju kamatne kazne, i pored namjere da se obaveze izmire na vrijeme.
- ✔ Plaćanje računa na vrijeme tako da se ne snosi naknadna kazna.
- ✔ Pronalaženje bilo kakvih uslova za nastavak trgovine bez upotrebe kamate.
- ✔ Pozajmljivanje novca od porodice ili prijatelja kada je to moguće.
- ✔ Saradnja sa islamski usklađenim bankama.
- ✔ Iznajmljivanje - ako ste u nemogućnosti da priuštite kuću bez kamate.
- ✔ Prihvatanje / organiziranje “dobrotvornog zajma”, predstavlja kredit kojim osoba namjerava da pokaže dobrotu drugoj osobi, što ne podrazumijeva uzimanje kamate.

Što se tiče kamate koju vam banka daje, ne vraćajte je niti je trošite. Umjesto toga, to potrošite u dobrotvorne svrhe, kao što je pomaganje siromašnih, kupovinom jednokratnih stavki (poput sapuna, maramica i sl.) za islamske centre i džamije, ili kao pomoć dužnicima. Međutim, ne očekujte nagradu kod Allaha za ovo.

Najefikasniji način da se izbjegne kamata i utvrdi koje su transakcije dozvoljene jeste da konsultirate islamske učenjake korištenjem njihovog znanja.